

於潛縣志卷九

風俗志

應劭作風俗通得先王禮樂遺意後之士風歲時等記踵而成之別地氣審時趨習俗之美惡可得而鑒已潛近隸省垣然風猶古樸與都會多不相類所謂瘠土之民好善不信有徵歟若夫本俗以安之禮族以馭之齊其政不易其宜以此登康樂和親之書庶不遠乎採風以寓勸懲當勿嫌其瑣屑云

於潛縣志卷九

風俗

一 三

樸魯尚質務農寡訟崇信巫鬼喪葬多用佛老

嘉靖志

俗儉而質民勁而武難服而易化愛敬而不忘

邵文炳記

冠昏喪祭禮士大夫多行之城市村落之民尙未能變

其舊疾病專事巫禱治喪溺於浮屠男務農桑女務

紡織治生之勤踰於天下

汪石川記

八景詩村塢有人翻麥隴閭閻無吏叩柴關詞清訟簡

民風厚綠竹烏臺相對閒

往籍所載訟簡民安閭閻之樂可想見也乃今則負氣

尚勇喜爭樂聞邑中案牘無復停日亦安在訟之簡



耶俯仰今昔良可永歎

陳善府志

習俗儉朴素稱敦龐頽流漸靡狙詐之風以日月長邇來益熾陰持長短牒訴交省會憲臣嚴法繩之猶有怙終不悛者

前縣志

士爲四民表率匡俗先自士習始忠信之原薄而獄訟日繁如前志所云陰持短敝習殊堪深悼邇日此風幸已息矣然尋常案牘牽涉矜士者十常七八由俗所素尊遇事必首推生監往往利害所爭甚微不難一言處息乃或偏執已見曲徇物情以至訟累

於澆日縣志

卷九

風俗

二

三

不休匍匐公庭亦甚無謂矣下逮鄉民昧冒嘗試多有受胥役之愚破家失業皆係不明理而好勝故耳所幸臨訊畏法理屈卽不敢抗良益宰整躬潔己以涖之誰云易於化難於服耶

邑中雖少閥閱家而衣衿繩蠶望于一鄉者餘韻遺風數百年未墜卽都會中亦難數覩第緣寒峻士讀而兼耕衣食累心誠非得已故師門授受中材以涉獵爲功講貫經術視若畏途間有質地明敏者又分心外務功力不純舍繁就簡沿翟有自來矣然後志之

士果克奮力進修卓然拔俗後進有不爭相慕效者乎

農家種作田地終歲勤勞牽少暇日然功多鹵多莽不知緩吉逢穀麥成熟時往往不趕緊收穫至時雨連綿坐視紅朽追悔無及矣山溪水無停蓄稍遇旱乾各村民惟事迎神祈禱奔走不遑於灌溉之具置之不講殊足訝也

百工技藝均尚朴實工值頗輕然怠惰偷安粗畧了事者居多凡邑中造作率多異鄉工匠佔其生業本邑

於潛縣志

卷九

風俗

三

三

人罕有智者剏巧者和足稱專門之技者

邑中少市鎮各鄉舖戶亦甚疏落以水道不通非百貨聚集之所民間通用不過衣食器用家常所需故懋遷有無商賈無所居竒鄉人亦鮮有出外經營者所有土產貿易亦非專事經商朴質之風所以久而不變也

衣著恒從樸素紳士不過布衣邇來少事華美矣然隨常家居被褐者十居八九婦女粧飾不尙鉛華裙布荆釵古風可見較時俗之浮誇相去遠矣蘓軾野翁

亭詩溪女笑時銀櫛低自註云於潛婦女皆插大銀櫛長尺許謂之蓬首

飲食款客競務豐腆遇喜慶事多宰羊豕大饗累累盈盤飲酒以獻酬交醋爲敬多有留連永夕者具足覘人情之厚然未免過糜矣至不速客來仍守山樞蟋蟀之風焉

宮室崇卑原無定制一二有力之家內而雕梁刻桷外而塗墍黝牆頗效省城風氣顧有家不甚豐輒喜營造以壯觀瞻或至無力完工仍然蕭條四壁故觀其

於潛縣志

卷九

風俗

四

三

村落鮮葩屋茅簷而富厚之家卒不數邁

四禮散見於載記備詳於儀禮但繁簡隆殺從俗從宜不獨潛邑然也挽其流失以進於古是在達識者審擇之

男子二十冠而字三加諭志始曰成人比禮人廢不行總角非突而弁無容置喙矣女子許嫁擇吉始笄以喜糕遍餽親族謂之上頭糕食湯餅曰併頭圓素封之家間或行此

婚禮先問各次納吉納徵納采請期親迎此六禮也時

俗憑媒議求女年庚而卜之即問名之遺意卜吉下

定曰允喜俗謂之戊日兩家通用禮帖禮書加以采帛釵

釧或用銀兩此即納吉納徵納采禮潛俗從簡務農

家祇用庚帖俗謂之紅綠帖但庚帖易偽亦易匿屢有圖婚

悔親致訟者禮不正於始鄉里鄙之將婚先行聘餼

饌果品富者多至數十種中戶惟倩媒請期謂之其准日

錢幣重輕女家瑣屑較量大方家所勿效也至前期

一月有速嫁禮用四季裙袄七事花釵并酒肉餅果等物屆期有速粧抱

嫁禮不為贅設乎三日前整設粧奩迎於道陳於庭

於潛縣志卷九

風俗

五

三

曰鋪房唯親迎禮久已不行前夕迂婦邀親族隨橋

前往女家設席款待至五更方上轎一切所用之燭

男家賚送不敷則向客索燭殊非雅道也古人昏以

爲期取陽往陰來之義如杭俗早往迎晚入門不但

迎娶之賓從燈筵俱可從簡似於禮較爲得體婦人

門行交拜禮入房行合巹禮三朝設奠祖堂行廟見

禮遂拜見翁姑及親族長輩女父兄來會親并餽花

果彌月致糕餌多品分送親族謂月滿之果潛雖尚質較

古禮亦已繁矣若兩家從儉定親時祇送財禮將昏

先以肩輿接婦過門至吉期拜花燭而已并有女未
及笄撫養待年成婚者

謂之養媳

鄉風各處皆然貧女

並有將二三歲女孩付人抱養爲媳者簡而易簡矣
古喪禮極爲繁重小歛於戶大歛於阼殯於客位祖於
庭塋於墓此其大畧也潛俗高年人預備壽木其餘
病甚買棺以待死則卽日大歛凡衣食附身之物勢
難免於草率訃告姻親路稍遠不及送歛何其亟也
旣歛七日設齋座每七延僧禮懺燒燈放燄並用鼓
樂新友吊者多送紙錠以佐之崇尚虛無相沿已久

於潛縣志

卷九

風俗

六

三

然家不茹葷祭品餉客皆從齋素以至人有哀素之
心亦藉以節省物力是亦一道也至溺師巫之說謂
人死對日有禽自柩出曰雌雄二斂所用神馬人首
禽身卽煞神也前幾日無魂按其生肖算至第幾日
備筵靈前接煞煞至生人退避不可犯甚屬怪誕不
經矣出殯遲速亦無定日期而小祥再期大祥二十
七月服除古有禫祭茲以除靈化座爲終喪大禮親
戚咸集名曰送座富家是日出殯題王入祠牲禮酒筵務
極周備其棺木多停殯宮次年新正拜新殯親俗具

來掛紙此二事雖節儉家不能省也惟塋禮置之不講浮厝後延至數十年多未擇地安塋甚有高曾祖父累代浮厝者日久殯宮圯塌子孫何忍自安古者士三日而殯三月而塋喪具稱家有無歛手足形還塋懸棺而窆人豈有非之者哉

禮有五經莫重於祭士大夫以高曾祖禰爲四親坐卒日辰及四時令節致祭焉庶人一盂一豆亦薦於寢俗不重冥壽或因事設奠富家陳設多品享用五牲酒行三獻並有全設少牢同於饗神者三鼎士祭禮

於潛縣志

卷九

風俗

七

三

如儀禮少牢饋食等節凡羊豕肩膊臠膊脰脊脇各六解爲十一體升於鼎薦熟不薦腥士庶家僭用五鼎已屬踰分用全牲薦腥於義何當也

各鄉村多聚俗而居數十百家皆有家廟安藏先主自門庭至寢室規模具爲整肅族中家譜越數十年一續修譜成擇日奠於祠

謂之圓譜

新正元日子姓咸入祠

拜主冬至日奉譜祠前祭之

謂之祭譜衿士服公服執事

惟恪祭畢享餼中庭以序照穆尊祖敬宗收族之禮久而勿紊具見風俗醇古他邑不能及也至得子稍

遲者先養蚡子無異已出其子孫賢并有附譜入祠者

族大多尊祀產累代相沿鮮有變賣清明祭掃子孫成
以上咸赴墓展拜用鼓樂如祠祭禮散給祭胙視其
祭田為豐嗇中元或祭於祠或薦於寢十月朔亦然
腊底再到墓掛紙夫墓祭非古也然先人体魄藏焉
子孫瞻拜見寒烟蔓草悽然生悲芟除荆榛或風雨
剝落加新土培護標掛紙幡於上謂之令人勿侵毀
也祖墳山多植蔭木數百年無有敢砍伐者

於潛縣志

卷九

風俗

八

三

祭產外又設讀書瞻學田向來殷實之家多有之勸勵
子孫讀書入學收其租息為膏火之資謂之燈人多
則按數分給士賴此得以樂業忠澤亦厚矣哉

正月元旦五鼓起放爆竹啟門先設香燭糕果於中庭

大小羅拜謂之接天神次出門拜土穀及祠廟祭掃

灶神並懸先人遺容於內堂供茶果早晚燒香燭有

日撤去者亦有男婦各拜家長以下次第序禮畢闔

家食條麵取長壽是日不炊生米除夕備有餘飯謂

飯隔年糞帚不出戶亦搜神記求如願之遺習也各鋪

閉戶不開市燈後另作福燒紙開張

三日為小年朝各出門拜親族隣友

謂曰拜年亦曰賀歲

具酒餚

款客遞相邀飲盡歡乃罷

古曰傳座俗各年酒

立春前一日官吏迎春冬郊立春刻縣儀門左再祭芒

神各官執鞭繫春牛三巡村民各扯其紙以為得田

蠶勝之云

十五日上元節十三日為上燈夜村民鳴鈺繫鼓以相

娛樂競賽龍燈為戲亦有挑燈扮劇者月半猶喧鬧

至三更方息街上門首各掛燈

謂之燈市

是夕作粉果食

於潛縣志卷九

風俗

九

三

之

謂之燈圍

婦女迎紫姑以下蚕郭遊燈之人奔逐街坊

恣為喧樂至十八日止真太平景象也

容齋隨筆云西京十五日

前後各一日放燈自錢忠懿王納土於宋獻錢買二夜展至十八日止至今相沿如舊

二月十五日浙江風俗以春序正中百花競放名曰花

朝民間各蒔瓜茄菜種並種桑麻

春分造酒貯於甕過三伏糟粕自化其色赤味經久不

壞謂之春分酒社日祈年於土穀祠或燒錢擊鼓飲

酒治顰遺俗猶有存者提要錄云社翁社母不食舊

水社日有雨為社公雨

清明節造青精飯具角黍牲醴奠於墓蚤起門檐插柳
枝婦女兒童簪柳葉蠶桑家煥蚕種食螺螄謂之挑
青殼撒屋上謂之趕白虎蓋祛蚕崇意也寒日之夕
最忌雨無雨則麥多成熟

穀雨採茶婦女兒童滿山谷是時蚕事方興門上遍插
桃枝農家浸穀種

立夏日啜新茗噉新梅食青筍蚕豆云可解注夏之疾
以後群出採桑垂蘆簾於戶各忌喧嘩并詞訟徵糧
一應停止謂之蚕忙小滿節蠶大眠具酒肉作粉果
於潛縣志卷九 風俗

十

三

如繭蚕婦致禱於先蚕及馬頭娘上箔時亦然分饋
果於隣右以相慰問

芒種前分繭登麥男女分勤爾時戶聽纜車野闖打板
絲麥兼收隨即插種耕織圖如在目前已第雨多礙
於刈麥雨少礙於插秧此樂彼憂鮮有能釋然者農
民當倍致功力毋稍緩也

端午先以角黍餽親戚家家細切菖蒲根和雄黃泛酒
當午食之以辟邪穢牆壁間撒石灰噴燒酒使蟲豸
不得潛伏門戶掛蒲艾虎並插桃枝小兒點雄黃於

額用五色線纏臂曰良命縷剪兩爲虎切菖蒲作小人形并紙囊實雄黃香料佩之皆所以辟邪也婦人鬢插榴花俗傳可避赤眼

六月六日汲新水作醬是日曝書曬衣以霽雨蒸變防朽蠹也

立秋農家各具豚酒赴田畔祭田祖

七月七日各鄉村婦女入城隍殿禮拜燒香絡繹如市夕間有陳瓜果祀天孫者是夕後河漢不明現早現則米賤渥則米貴謂之探米價試之甚有驗

於潛縣志

卷九

風俗

十一

三

七月十五日爲中元各家祀祖先並有尊於祠廟者謂之秋祭夕則街上延僧施食放燄爲盂盆會以卹孤魂晦日各房內外遍地點燭插香謂之照冥

八月十五日中秋節食月餅餽送親戚富室夕設飲以賞月華

九月九日重陽飲茱萸酒亦食角黍此時紅葉滿山恰宜登高玩景寒露前後刈稻登穀惟川後長前雨鄉獲稻在秋分前後九月中遍處收豆種麥

農功率先一月或餘

地氣早故也

十月初一日俗咸祀其先有祭墓畧同清明者初二日
城隍會演劇三日各項貨物咸置沿街作市廟中筵
供燈綵頗爲繁費次日迎神賽會上午出南門將晚
至北門外行宮看劇起更迎燈入殿觀燈之人各鄉
咸集擁擠諠譁此夕爲盛嗣後各土穀祠皆演劇酬
神百日之勞一日之澤此報賽之遺亦豐年之樂也
是月釀秫作酒謂之十月白

冬節前各村收荳懸於樹俟其乾用木桿擊落之並籍
烏白換油鹽

於潛縣志

卷九

風俗

七

三

長至日各族祭祠演劇散昨祭禮見前拜揖尊長亦名亞歲

十二月十二日爲蚕生日祀蠶神浴蠶種是日釀酒置
而藏之曰腊酒味獨厚二十四日祀灶神放爆竹送
之

歲終家家作粉果饋親友多作菽乳用香油沸之備來
正食用小康之家率封豕以祀神謂之燒年紙餘則醢爲
腊肉爲火脰貧者亦出米豆換酒肉以酌獻

除夕易門神貼新聯以示更新送年後具筵席祀其先
長幼咸會食取其團圓亦曰分歲各揖尊長前曰辭

歲旅坐深更曰守歲是夕爆竹之聲徹夜無間

於潛縣志卷九終

於潛縣志卷九

風俗

三

三